

Raúl Castro kaj Nicolás Maduro por solidara festo laborista.



La kuba ĉefministro Raúl Castro prezidis la amasan marĉadon okaze de la Internacia Tago de la Laboristoj en la Placo de la Revolucio de Havano akompanate de la venezuela prezidento Nicolás Maduro.

La sekretario ĝenerala de la centralo de kubaj laboristoj, Ulises Guilarte de Nacimiento, parolmalfermis la historian marĉadon kaj elstarigis la partoprenon, por la unua fojo, de la kvin kubaj herooj, batalantoj kontraŭ terorismo kiuj plenumis longan kaj maljustan enkarcerigon de Usono.

Reprezentantoj de organizoj sociaj kaj sindikataj el 70 landoj akompanis la centojn da miloj de kubanoj kaj kubaninoj kiuj sub konstanta pluveto marĉadis unuece por la konstruo de sia socialisma projekto kaj solidarece al Venezuelo.

Same okazis en aliaj provincoj tra la tuta lando, kie ankaŭ la gelaboristoj de la sansektoro malfermis la marĉadon, speciale la brigado de kubaj kuracistoj kiuj kontribuis al la batalo kontraŭ Ebolo en Okcidenta Afriko.

Ankaŭ gelaboristoj de ĉiuj sektoroj, studentoj, dommastrinoj, emerituloj kaj popolanoj entute marĉadis kun afiĉoj, flagoj kaj devizoj subtene al la agadoj por aktualigi la sociekonomian modelon por konstruado de socialismo prospera kaj daŭripova.

Kunpartorenis la marŝojn pli ol 1 867 civitanoj el 68 landoj, el kiuj 285 usonanoj, 209 el Francio, plus latinamerikanoj el kiuj 127 estis urugvajanoj, 121 ĉilianoj kaj 102 argentinanoj, interalie.

<https://www.radiohc.cu/eo/noticias/nacionales/54539-raul-castro-kaj-nicolas-maduro-por-solidara-festo-laborista>



Radio Habana Cuba